



Republika e Kosovës
Republika Kosova / Republic of Kosovo
Prokurori i Shtetit / Državni Tužilac / State Prosecutor
PROKURORIA THEMELORE / OSNOVNO TUŽILAŠTVO / BASIC PROSECUTION
PRIZREN – PRIZREN

AD.nr. 1-1/25
Dt. 05.03.2025
Prizren

Kryeprokurori i Prokurorisë Themelore në Prizren, duke vendosur lidhur me çështjen disiplinore të iniciuar pas pranimi të ankesës së qytetarit [REDAKTUAR] nga fshati [REDAKTUAR], Komuna e [REDAKTUAR], me banim në [REDAKTUAR], rruga "[REDAKTUAR]", nr. [REDAKTUAR] kundër prokurorit të Prokurorisë Themelore në Prizren, [REDAKTUAR] (*tani prokuror në Prokurorinë Speciale të Republikës së Kosovës*), në bazë të nenit 9 par.1 pika 1.5 dhe par. 6 të Ligjit Nr. 06/L – 057 për Përgjegjësinë Disiplinore të Gjyqtarëve dhe Prokurorëve dhe nenit 7 par.3 nën par. 3.1 të Rregullores nr. 05/2019 për Procedurën Disiplinore të Prokurorëve, nxjerr këtë:

V E N D I M

REFUZOHET si e pabazuar ankesa e qytetarit [REDAKTUAR], kundër prokurorit të Prokurorisë Themelore në Prizren, [REDAKTUAR] (*tani prokuror në Prokurorinë Speciale të Republikës së Kosovës*), sepse çështja në fjalë konsiderohet e trajtuar më parë dhe nuk ekziston asnjë nga shkeljet disiplinore nga neni 6 par.1 dhe 2 të Ligjit Nr. 06/L – 057 për Përgjegjësinë Disiplinore të Gjyqtarëve dhe Prokurorëve.

A r s y e t i m

Më datë 04.02.2025, Kryeprokurori i Prokurorisë Themelore në Prizren, ka pranuar një ankesë nga qytetari [REDAKTUAR] ndaj prokurorit të Prokurorisë Themelore të Prizrenit nga Departamenti i Përgjithshëm [REDAKTUAR] (tani prokuror në Prokurorinë Speciale të Republikës së Kosovës).

Dyshimet e para për shkelje disiplinore:

Dyshimet e para sipas ankuesit të parashtruara në ankese të cilën e ka titulluar “*ankesë dhe kërkesë*” është bërë për Autoritetin Kompetent me pretendimin se prokurori [REDAKTUAR] në rastin [REDAKTUAR] i ka bërë padrejtësi të njëjtit duke i bërë shkelje të qëllim të qëllim në një rast ku pretendon se ishte sulmuar nga një zyrtar policor.

Vlen të theksohet se ankuesi, të njëjtat pretendime në parashtrësë i ka edhe ndaj prokurorit të Prokurorisë Themelore të Prizrenit nga Departamenti i Përgjithshëm, [REDAKTUAR].

Pasi që kemi pranuar këtë shkresë të njëjtën e kemi regjistruar në regjistrin e procedurave disiplinore dhe ka marrë numrin AD.nr.1-1/2025, për rastin në fjalë sipas procedurave është njoftuar Këshilli Prokurorial i Kosovës, përkatësisht kryesuesi i KPK-së, [REDAKTUAR].

Veprimet e Autoritetit Kompetent:

Më datë 05.02.2025, si autoritet kompetent për të trajtuar ankesën, në pajtim me Ligjin për Procedurën e Përgjithshme Administrative, meqenëse prokurori [REDAKTUAR] është me punë në Prokurorinë Speciale të Republikës së Kosovës, ankesa është transferuar te Kryeprokurori i PSRK [REDAKTUAR].

Më datë 20.02.2025, kemi pranuar aktin e titulluar “*Kthim i ankesës disiplinore të paraqitësit [REDAKTUAR] për trajtim në Prokurorinë Themelore në Prizren*”, i cili mban datën 14.02.2025, me arsyetimin se pas analizimit të detajuar të ankesës disiplinore, Prokuroria Speciale në konsultim me Zyrën e Kryeprokurorit të Shtetit (ZKPSH) kanë vlerësuar se autoritet kompetent për trajtimin e ankesës disiplinore përkatëse është Prokuroria Themelore në Prizren.

Më datë 24.02.2025, Kryeprokurori i Prokurorisë Themelore të Prizrenit, e ka njoftuar kryesuesin e KPK-së, lidhur me këtë ndryshim të kompetencës dhe se tani e tutje rasti do të trajtohet në Prokurorinë Themelore të Prizrenit.

Më datë 24.02.2025, Kryeprokurori ka kërkuar deklaratë lidhur me pretendimet në fjalë nga prokurori [REDAKTUAR].

Më datë 03.03.2025, Autoriteti Kompetent ka pranuar deklaratën me shkrim nga prokurori [REDAKTUAR]

Të gjeturat e rastit disiplinor:

Paraqitësi [REDAKTUAR], më datë 09.01.2020 ka paraqitur në Prokurorinë Themelore në Prizren, kallëzimin penal, kundër të paraqiturve [REDAKTUAR] dhe [REDAKTUAR], të dy zyrtarë policorë në NJHRKRR në Prizren, nën dyshimin e arsyeshëm se në bashkëkryerje kishin për të kryer veprën penale “*keqtrajtimi gjatë ushtrimit të detyrës zyrtare ose autorizimeve publike*” nga neni 195 par.1 të Kodit nr.06/L-074 Penal të Kosovës.

Më datë 09.01.2020, në Departamentin e Përgjithshëm, është pranuar kallëzimi penal i lartcekur ndaj të dyshuarve të lartcekur në drejtim të veprës penale “*keqtrajtimi gjatë ushtrimit të detyrës zyrtare ose autorizimeve publike*” nga neni 195 par.1 të Kodit nr.06/L-074 Penal të Kosovës.

Pas pranimit të kallëzimit penal është bërë shqyrtimi dhe vlerësimi i plotë i tij, si dhe janë analizuar provat të cilat i janë bashkangjitur, me qëllim që të adresohet në mënyrë të drejtë kjo çështje penale.

Më datë 24.01.2020, Prokurori i çështjes [REDAKTUAR], i është drejtuar Inspektoratit Policor të Kosovës, me kërkesë për dhënien e informatave lidhur me pretendimet e parashtruesit të kallëzimit penal [REDAKTUAR] të dorëzuar më datë 09.01.2020.

Më datë 26.11.2021, Prokurori i çështjes [REDAKTUAR] ka ndërmarrë veprime hetimore, është marrë në pyetje parashtruesi i kallëzimit penal i dëmtuari, në cilës të dëshmitarit [REDAKTUAR], lidhur me pretendimet e tij si në kallëzimin penale të dorëzuar më datë 09.01.2020.

Më datë 12.05.2022, Prokurori i çështjes i është drejtuar Drejtorisë së Standardeve dhe Verifikim të Kaluarës Kriminale të Policisë së Kosovës në kërkesën për dhënien e informatave.

Ndërkohë, ende pa përfunduar çështja, prokurori i çështjes [REDAKTUAR], më datë 15.09.2022, nga Këshilli Prokurorial i Kosovës, me vendim është transferuar në Prokurorinë Themelore në Ferizajt – Departamenti i Përgjithshëm, ndërsa rasti është ndarë tek një prokuror tjetër (prokurori [REDAKTUAR]), përderisa gjatë kësaj kohe nga Inspektorati Policor nuk ka pranuar ndonjë njoftim

Konkluzioni:

Kryeprokurori si autoritet kompetent, nga të lartcekurat, pas vlerësimit dhe elaborimit në detaje si më lartë, si dhe pas analizimit të kësaj çështjeje disiplinore, nga deklarata e prokurorit të lartcekur, në veçanti nga shkresat e lëndës, kryeprokurori ka konstatuar dhe vendosur se në rastin konkret nuk ekziston asnjë nga shkeljet disiplinore, nga neni 6 paragrafi 1 dhe 2 të Ligjit Nr. 06/L-057 Për Përgjegjësinë Disiplinore Të Gjyqtarëve dhe Prokurorëve, pasi që në bazë të shkresave të kësaj lënde konstatohet se prokurori i rastit i ka ndërmarrë të gjitha veprimet e

nevojshme dhe të domosdoshme ligjore konform dispozitave ligjore në fuqi dhe të gjitha veprimet e prokurorit kanë qenë profesionale dhe ligjore dhe në kuadër të fushë veprimtarisë funksionale dhe profesionale të prokurorit të shtetit, duke mos rënë ndesh për asnjë moment me kodin etik dhe sjelljen e pahijshme të prokurorit të shtetit.

. . .

Me sa u cek më lart u vendos si në dispozitiv të vendimit.



T'i dorëzohet:

- [Redacted]
- [Redacted]
- [Redacted]
- Arkivës.